


A Monthly Christian Magazine

AN ORGAN OF THE ZOU PRESBYTERIAN CHURCH SYNOD

Khristian Tangkou

Vol. 55 || No. 05

May, 2019



Editor: Rev. Stephen Chinzathang

Synod Kumpuon:

"Kipah kawm a Mangpa nasem" (Late 100:2)

Khristian Tangkou

Vol. No. 55 || Issue No. 05 || May, 2019

Editorial Board

Editor : Rev. Stephen Chinzathang - 9863042789
ct_stephen@yahoo.com

Joint Editor : Rev. Khamchinkhai - 8730933744

Cir. Manager : Upa Jamsianmung - 9862086615
sianmung@rediffmail.com

Bus. Manager : Upa Kamgenpau - 8974612937
Shie T. Ginzahau - 8974438842

Cont. Editors : Upa Khupsuantham - 9856406454
Rev. Awnkhankhup - 9862828921
Rev. Dr. Hangpi Maunlun - 9862910875
Rev. Kaimuanlal - 9862923960

ZOU SYNOD ULIENTE

- **Moderator:**
Rev. Hangpi Manlun
- **Moderator Elect:**
Rev. Zamlianpau
- **Secretary (Sr):**
Upa M. Liensuonkap
- **Secretary (Jr):**
Upa Kapkhanthang
- **Treasurer:**
Upa Chinsuanthang
- **Statistician:**
Upa T. Langkhanmang
- **Executive Secretaries:**
Rev. Stephen Chinzathang
Rev. Khamchinkhai

A sung thu

- Editorial..... 01
- Thu tuomtuom & Thumpi ding..... 03
- Seminar Report..... 07
- Missionary Day Message..... 08
- ZPCS Office Digitalisation 10
- Mangpa a pat in suhlat ahiding 12
- Gimthuohna khu lawchinna ahi 14
- Mizoram Synod (Manipur Area) 16
- Kumpi Solomon 18
- Agape Itna 20
- ZPWF Column 23

Copies - 1200

AMAN

Kumkhat ah	- ₹	100.00
Post ah	- ₹	200.00
Copy khat ah	- ₹	10.00
Life Member Fee	- ₹	1,000.00
Patron Member Fee	- ₹	2,000.00
Memorial gift	- ₹	2,000.00

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.



Kipieh zawna sangpen

*K*hristian Tangkou simtu zousie chibai, Pasion mapuina toh Mangpa Jesu tawisang a a umna, Kross a kilbeh a aum na leh a thawkiana hunte zang zouthai a i um tah man un Mangpa Pasion kung a kipah thu i tun uhi.

Tua ahilai in hun hing peizel te i et leh kipieh zawna genkhawm lei chi ka ut hi.

Kipieh zawna/Sacrifice chi hi. Mangpa Jesun ei te ahing zilsah te lah a poimaw pen in ka gel hi. Tami kipieh zawna pen ahileh kipiehzawna sangpen chi a zong thei in aum hi (Ultimate Sacrifice). Kipieh zawna khu koipou a ding a ngaituona nop leh sil kipah huoi pen hizing lou ahi. Ahin khawvel a zong kipieh zawna thu chite zong galhang te leh mi kipezou te lah a genkhah in a um zel hi. Atangpi in ei mizawng leh niteng neh ding suite lah a zong ahing zel mama hi. Bang chi dan in la? chi kha vai, van man a hing tam a ahing kal chieng in eite sum zehna leh neh tawm suite ahing zel mama hi. Tua khu hamtam lou a thuoh ahia, tua i thuoh uh khu en bangma bawl zousih lei zong tua khu i thuoh ua, tua thuohna khu hamlou phunlou a kipieh zawna asuoh hi.

Ahin tuania kipiehzawna sangpen (Ultimate Sacrifice) i chi chieng leh Mangpa Jesu kipiehzawna khu agenna ahing hi hi.

Azieh bang ing chi chieng in Mangpa Jesu kipiehzawna khu ama a bangma law beh ding aum sih hi. Eiten van man a hing pun leh i sum leh nei-leh-lam pen i taan uh ahing suoh hi. Aman Pasian ahina toh kipezou sih leh a maa a ding in bangma a tan ding aum sih a zong alaw beh ding aum sih hi. Khantanhoi John 15:12-13 a tam bang in aki giel hi. Tami ka thupieh ahi: Ken noute ka hing it bangin noute khat leh khat ki ittuo un (13) Min alawmte a ding a ahinna apieh sang a lienkaw itna a um sih hi”, achi bang in Mangpa Jesu in khelna bei (sin less) hinna anei lai a mikhiel nang leh kei a ding a hing shi ahi. Tua mabang in (IPeter 1:18-20) in tambang in zong ana gen hi Napu napate ua kipat a tawndan a nana nei uh na hindan uh kisesa apat, akisethei sana leh dangka a tatdoh na hisih ua; (19) Hinanleh Belamnou gensiet bei leh nieh banglou sisan banga, amanpha mama Khrist sisan a tat nahizaw uh, chi na thei uhi. (20) Ama pen leitung kisiem masang peh a guotlawh in aum ngai a, hinanleh tam hun nukhiate ah noute zieh a suhlat in a umta hi.

Mangpa Jesu kipieh zawna pen Gen. 3:15 apat gen loh a ana um ahita hi, tua chi in Isaiah 53:6 in ahing tah doh kia a, Tuazieh in ei mihingte muna tawmte a ding in vang Pasian sil guotlawh masat leh Mangpa Jesu hing kipieh dohna pen theisahna ding hun sawtpi a lut hi. Tua thamlou in Mangpa Jesu bangzatah a hindan hinkhua azui bukim ahei chi zong theibe ding a hoi ahi. Eite pen bang ahei khat zieh a ihing neideu, bawl thei deu leh mite tung a leng pai ding bang in i um uhi. Ahin Mangpa Jesu ki daw zou dan ahileh laisiengthou mun tuomtuom ah akimu hi. Luk 6:31; Matt. 20:28; Mark 3:7-11; 6:54-56; Luke 4:40 leh adang dangte a mu in a um hi. Ephe. 5:25 ah Mou a kigen Heb. 12:2 a abul leh atawp tan a Leenggam a um dingte chi in ahing hamuon hi.

Tuazieh in tami thu tom nou khatte lungsim a koi in Pasian thupina te leh ahoinate geldoh zing in hei mun a ium in zong

Mangpa kipiehzawna khu manghil lou in pang chiet vaui. Philpi 3:7-11 in agen ma bang in pichin lam manaw in Pasian thu zui vaui.

Mangpa'n hing guoljawlta hen.

~~~~~

# Thu tuomtuom leh Thumpi dingte



1. Mangpa hoina leh kepbritna theikawm a Hattom chin a sawm-a-khat leh silpieh gin um tah a pete adin ana thum zing vaui. Tualeh aneh atah suina uh lam tuomtuomte uah damtheina, lamzannate ngetpieh vaui. Tamteng ban ah May hasung a ipawlp kalsuonna dingte uh zong thumna toh bawzui va ui.
2. Pasian hoina leh mapuina toh May ha sung a Hattuum chin in NIPOIMAW ineite Hagau pawlna toh zah leh man ahitheina din thum kawmkawm in kisa khol chiet va ui.
1. Synod Half Yearly Audit - May 06th-10th, 2019
2. Missionary day- May 7, 2019 Hattuum chin
3. Sunday School kumkim laivuonna - 26th May 2019
3. Rev. Awnkhankhup Pension pieh ding hita: Pasian hoina leh kepbritna toh atahsa kum 60 achin toh kiton in Revd. Awnkhankhup ang tung ding 24th May 2019 chieng in ama kaina Biehin Presbyterian Church of India Tuibuong ah Hahkhietna Programme nei ding uhi. Asepsate zieh in Thupina Mangpa ipie ua, maban a khosah touzel na dingte uah innkuon chidamna thu nget pieh va ui.

4. Upa Seminar kizang zouta: A 15 vei Synod Session thuphasah umsa bawzuina toh Dated 28th March 2019 niin MGP Golden Jubilee Hall ah Zou Synod Upa Seminar lohtah leh lawching tah in kizang zouta

Puitu : Moderator and Secretary (ZPCS)  
Seminar Honna : Rev. Dr. Hangpi Manlun  
Moderator  
Vaidawn thugenna : Rev. Khamchinkhai,  
Executive Secretary  
Resource Person : Rev. R. Lalhminganga  
Topic : Pasion gam silpieh piehdan leh  
etkoldan  
Kipah thugenna : Rev. Stephen Chinzathang,  
Sr. Executive Secretary  
Seminar khahna : Upa Chinsuanthang,  
Treasurer (ZPCS)

5. Zou Synod Choir ding kheta: Ni danga ZPYF Choir chia ana kimin vawzel pen ahoizawna ding deina toh Synod vaihawm nu leh paten ZOU SYNOD CHOIR chia min vaw in henpiehta uhi. Hun hing pei touzel ding ah Pasion mintawisang ding leh phatna laa ginglawm toh Ama phat a vanzat manpha ang hi theina ding un thumna toh panpi chiet va ui. Dated 12th Feb. 2019 niin Presbyterian Church of India Zomi Colony Biehinn ah ZPYF Choir member 2017-2018 te hahkhietna leh kipah thugenna Rev. Khamchinkhai i/c Youth in nei a kipahman piehkhietna zong nei hi. Tuaban ah ZOU SYNOD CHOIR a member tha dingte hantawnna leh thumsahna zong nei hi.

6. ZPWF Secretary for Women Relations a sem ding suina 2019-2020: ZPWF Secretary for Women Relations a sem Miss Suanneiching aterm abeitah ziehin Zou Synod mi leh sa Hattuom chin a lunglutna neiten akisaipite kungah

ngaiven thei hi. Chitna: Mi piengtha dihtah Pasian hatna tang mi Tep leh muom a kikem siengthou mi Computer Knowledge nei mi Term - kum 2 Pay Rs. 7000/- Per month. Kingetna piehthei tan 22nd April 2019 Interview hun 23rd April 2019. Notice umsa bang in dated 23rd April 2019 ni in applicant teng Synod Office ah Interview neisah uhi. Tehna leh buhna teng a etkhiet ahi nuo in Ms. Suanneiching lung kituohtah a lah ahi.

7. NEICCWA Day of Prayer: North East India Christian Council Women Assembly te saina in apeisa April last week, 2019 in Local chin a PWF ten NEICCWA Day of Prayer nei thei uhi. Khumnah tuohkhawm amubang zel un May 31, 2019 tan in Head Office Zomi Colony ah submit ding uhi.
8. ZPYF Kumpuon 2019-2020: Khanglai Khrist a dia kilamdanna (Rome 12:2) chi ahi.
9. Synod Kumpuon: “Kipah kawm a Mangpa nasem” (Sam No. 100:2).
10. Thumsahna: Synod huong sunga Pasian hatna tang a semtute leh Pastor nasemte adin bang chihlai pou in ana thum zing vaui. Gensiet sang in thumsahna in lukhong neizaw hi. Tualeh amauten zong Ana asep sahpa uh thupidan thei kawm a mihing leh pawlpi nna sem mai a kigel lou in aumna a post te un a hun bei kuontan a zong ana septe uh akhietla thei ding khop un tahpanna, migitna leh Pasian zauna hinkhuo ngetpieh chiet va ui.
11. Thumsahna: I pawlpi sung a Hattuum neitu leh kemtu Ordain Upate a etkawl uh Hattuumte a ding a Khuoizu bang a hum atuituoh leh vanzat manpha ang hithei chietna ding un bang chih laipou in ana thumpi zing va

ui. Tualeh Pasian zauna hinkhuo leh vaihawmna (Session) thuphasahte theikawm a kilepsan mailou a tukip ngamte ang hithei chietna ding un zong thu ngetpieh vaui.

12. Thumsahna: Synod theipi a Bible zil zousate leh zillaite aminte uh lou kawm in thumsah vaui.

- |                                     |                 |
|-------------------------------------|-----------------|
| (a) Azil zousate                    | Khuo            |
| 1) Pa Lalnunlien, BD                | Zomi Colony     |
| 2) Tv. M. Gouginsang BD, M.Th       | Central Church  |
| 3) Samuel Khamsuankhai BD, M.Th     | Zomi Colony     |
| 4) Tv. Suonglienkap BD              | Zomi Bethel     |
| 5) Pa Mangminlun BD                 | Delhi           |
| (b) A zil nalai te: College minte   | Khuo            |
| 1) Tv. Joshep Doulunlal BD II Yr    |                 |
| TTS=Trulock Theological Seminary    | Lailam veng     |
| 2) Tv. Simeon Khamlienhang BD II Yr |                 |
| TTS=Trulock Theological Seminary    | Awnchinkap khuo |
| 3) Tv. Mangminlun BD I Yr           |                 |
| TTS=Trulock Theological Seminary    | Zoumunnuam      |
| 4) Tv. L. Kapmuonpau BD I Yr        |                 |
| TTS=Trulock Theological Seminary    | S. Vengnuam     |
| 5) Tv. Pausuonthang BD I Yr         |                 |
| TTS=Trulock Theological Seminary    | Hiengzou        |
| 6) Tv. Hauchinkhup BD I Yr          |                 |
| TTS=Trulock Theological Seminary    | Hiengzou        |
| 7) Tv. H. Hauminlien Zou BD I Yr    |                 |
| TTS=Trulock Theological Seminary    | Mawngken        |
| 8) Solomon Lienminthang BD I Yr     |                 |
| MTC=Manipur Theological College     | Zomi Colony     |
| 9) Tv. Manglienthang BD I Yr        |                 |
| MTC=Manipur Theological College     | Zomi Colony     |

\* Bible Knowledge leh degree or title apoimaw pen sih a, Pasian hatna nei a hagau lam a pawlpi ittah a ang gasuo chiet theina ding un thumna toh panpi chiet va ui.

13. Pasian in Ami siengthoute thumna hing dawng in apeisa April 17th, 2019 niin igam vaihawmtu ding a 17 vei Lok Sabha election outer Manipur a ding kituptah leh siengthou tahin kinei zouta hi. “Thupina Mangpa pie un”

~~~~~

Report

SEMINAR-CUM-REVIVAL REPORT

Zou Presbyterian Church Synod nuoi a Tuiningkuol District in March 23-24, 2019 hun sung in Presbyterian Church Tuining a Seminar leh Revival Vaiguon akizang zouta hi. Date 23 March, 2019 kiginni sun (10:00am apat 02:00pm) tan Seminar akinei a Rev. Kaimuanlal leh Rev. Retd. H. Nengzatun in Mission nasepna chi thupi zang in Seminar Paper present bawl ua, tualeh Dated 23 March, 2019 nitah apat date 24 March 2019 Pasian ni nitah tan Rev. Retd. H. Nengzatun in Mission nnasepna chi thupi zang in Revival Speaker in pang hi. District mipi te'n tahsa leh Hagau a ki phat tuompi mama hi.

Mangpa'n thupina tangta hen.

Reported by:

Upa Nengchinkap
Secretary

Tuiningkual District

MISSIONARY DAY MESSAGE

(Luk 4:18,19; & 2Kor. 5:14,15)

I tenna Manipur simlam gamkai ah kum 1910 May 7 ni in Tuipigal (Sapgam) gam gamlapi tah apat hing pei Missionary masa ten Khrist Khantanhohi ahing polutta uhi. Tuni tan in tami May 7, ni khu Missionary Day chi in ina mang zel uhi. Tam bang in Pu Watkin Roberts leh midangten Pasian itna thu ana neikhah uh hing po vengveng in khovel ningkawi a teng eite kung ah a hing tut ua, tu in eiten tuami Gospel khovah ana tang in, ina hamphatpi samta ua, Pasian min i phat uhi.

Tami thu umzie thei siem in Unaupa T. Pumkhothang in tambang in la ana phuoh hi.

Tuona simthu sut lei maw tuol i niem simthu,
Theiphahlou selung mawlte ihi
Tung Pasian itna vang in eidin khuo ahing vah,
Tun atate hihai e,

Itna thu sang sih lei maw bang i suoh diei maw?
Mangpa itna lien in sang na e;
Zu leh va bang gam nuoi a vahvai a i umlai,
Itna toh hing suikheta.

Tam laphuohtu lungsim leh hinate Koppi siem a, tuabang i hamphatna sim sengloute zieh a Pasian kung a nuomthu gengen ding a koite ihi ta uhi. 'Pasian in khovel a dinga tapa phaltah a apieh khu khovel damna ahidan tami tangthu apat i ngai khe kia ding uhi.

Nidang lai in Sap gam ah News paper hawm a kholai a vah kawikawi naupang khat khovot seng seng zieh a china ding theilou a beidong in ana um kha ngai hi. Tambang a chimaw tah a um naupang pan a tawp in Police station khat va zuon thei hi. Tuachin police duty pan naupang pa kung ah, Tanah inn lienpi meivah umna mun ah va pei in len, 'John 3:16' va chi lechin, tuachin innsung a um miten hing na panpi ding uh ahi, chi hi. Police duty pa thuhil bang ngei in tam naupang pan tuami innsung a um mi te kung ah 'John 3:16' ava chi leh amau zong naupang pa innsung a na han lut pai in mei ana awisah uhi. Tuachin a inn nei nun neh ding leh dawn ding hing tawi khie in a nesah pai ua, ava kawi le na a atahsa nieh silsiengsah in lupna nuom tah ah ana giehsah ta ua, naupangpa zong lungmuongtah in a imuta hi.

Tam naupang pan 'John 3:16' thu umzie thei siemhet lou napi in a hamphatpi ta mama mai hi. A thu thei umsun khu, ava thugen pen a ham

phatpi chi thu ahi. Tami thu in tua inn neinu lungtang sukha mama in, naupangpa kung ah, "Bawi, ken zong tam thu thei siem theising, bangzieh a kou ban a mi gilou leh hing tahlou innkuonte thataang a Pasian in a tapa tangkhat neisun ahing pieh talawm e chi ka thei zousih chi in naupangpa pom in a kap khawm ta uhi. Tuachin, a kapkawmkawm in naupangpa kung ah 'Tami kipiehna lamdang zieh a mihing ten hinkhonuom mang a, hamuanna nga ihi e maw bawipu chi hi.

Tami Pasian itna thu manpha tah gending in khiel a puasa, shina lim nuoi a tou, Khrist sisan zieh a hutdam tangtate hat ihi uhi. Khelna neilou leh Jesu sisan a tat hikhalou Vansawlsiengte hat ahilou lai un, nang leh kei hat ihi uhi, hamphathuoi hina e, Tam thu theisiem in laphuohtu dang khat ma in hichin ana phuoh hi.

Vansawlsiengte sahpi theilou langai, kei mikhiel pen hundamna laa Hagau natna vei

a nna vungvung mai, Kalvari damdoi zang a Pasian in a hing suhdam taten tam Pasian itna Khantanhoi puonzahna nasep i sem zel ding uhi. Sawltah Paul in, ‘Hat a i umna uh ngaituo tha va ui’ ana chi bang in i kingaituotha ding uhi. (IKor. 1:26). Pasian ngaidamna

thu theilou a nichin hun chin a muolliem zelte geeltha va ui in, isep thei dan chiet leh Pasian in a hing hat bangzel in semchiet va ui. Missionary Day in Khantanhoi puonzahna lam a khanlawna tha hing pe chietta hen.

ZPCS OFFICE DIGITALIZATION/AUTOMATION A PHATTUOMNA LEH A ZANGKHAINATE

1. Tally Software zah ahita dinga, Receipt Book zah ngai nawnlou dingin, Thermo Printer ahisihleh Printer ngainate zah a, Print khiet a pieh theizel hitavan in Computer Hard Drive ah kepching hita dinga, hard copy/paper copy zong kep ahi veve ding banah internet leh Synod website ah kepching ahita ding hi.
2. Office a Computer zousie kizopmatta vanin, Executive Secretaries in a ut hunhun un enkhe theita ding ua, daily account sum tuotna theizing tava un, edit vang abawl theisih ding uhi. Account toh kisai Folder pen Executive Secretary-te/Head clerk a toh zopmat ahidinga, Computer dangten access abawl theisih ding uhi.
3. Head Clerk Computer apat link bawl a Executive tegel in Monitor khat tuoh toh tami office nasepna ana enkai theita ding ua, amau zong computer zang ahi veve ding uhi.

4. Sawm-a-khat Mimal list suhdih hahsa vevaw zing pen automatic a Computer in aguoltuoh zing ding ahitah ziehin ahing dih ta ding hi. Tuabanah hachin a Khristian Tangkou ah zong suohkhiet thei ahita ding hi.
5. Office Staff lahbe ngailou ding a, Accountants in amau zah ding software leh basic Computer azil uh ngai ding hi. Tami zong hamsalou a thei pai thei ahilel hi.
6. Cashier in Computer zang nanleh Cash Register maintain ding hi. Accountant in print out abawl Office copy khu aman khumlut zelvanin, Sum Senna leh Bank deposit Record Cash Book a maintain zing ding hi.
7. Office memos, SEC, Session Minutes leh Committee zousie proceedings Synod i mu apat up to date in soft copy i neita ding ua, internet a kepching ding, hard copy mansahna aumkhah tah lezong soft copy umveveta ding hi.
8. Pastors in Projector zahdan bailamtah in zilsahthei ahitading hi.(Power presentation)
9. Synod Office a semte hing hattavan Synod Webside ah koi dia poimaw zousie up to date in ang koizouta ding uhi.

TAMI ZAHNA DINGIN ANUOI ATE NEI NGAI:

1. Atawmpena Laptop 3 neibe ngai ding. Tua hileh computer 5 i neita ding uhi. Azang dingte- Head clerk, accountant tegel, office a computer tutegel ahiding. Tualeh i gensa bangin Executive Secretaries-te in zong Head Clerk a toh zopmat in azang ding uhi.
2. CPU khat kitanga Monitor 4 in zah zong ahoi a, a umsa Laptop tegel pen Accountant leh Cashier in azang thei uhi. Power/electric mit phutphut gige thei ahina ah nasep

kitupzawhna ding lunggelna toh SI/No.1 pen i deizawh ahi.

3. Laptop khat ah Sum Rs 25,000-Rs.30,000 a tuottalei 3 ah Sum Rs. 75,000- 90,000 lut ding hi.
4. Printer pen Rs.5000-Rs.20,000 kikal a lei thei ahi.
5. Tally Software Licence pen Rs.50,000 tunglam a i leileh kumchin subscripsion fee umtalou a zah ahita ding.
6. Tami teng gawm khu Rs.1,30,000-1,90,000 (Approximate) ahiding hi.

.....

NANG APAT IN SUHLAT AHIDIING

- Manglianhang
BD Student

Kum sawmlehni kahi kum in, nikhat Annkam lei dingin Bazaar a kava kuonta hi. Lampi kakaan laitah in lamgaal langkhat akhun, Meitei nupi tesieh khat anntang bag kimkhat diing vel polasim tah a apuoh kagaalmu ta hi. Enzoulou kahiman in, lampi nuo kaan in kava zuon a, kapuo piehta hi. Atut na ding ka hing zuon panta ua, agamlasim kuom hi. Old Bazaar apat Rengkai, Sugnu Bus Parking tan ahia, Gih sa in, lel sim mananleng zong, ama sanga tha neizaw kahiman in khawsalou in amun tan katutpi ta hi. Bus sunga kahap pieh a, apei ding kuon in “Boi, na nu mihoi mama hiva eh izaw? Kipah ing e..” chitoh thuo in gari atai ta a, kakikhenta uhi. Ka lungsim ah Ing! Kanu mihoi hima e kachi a kalunggil a kkipah dap hi. I theisa mabang un, tate nute toh atamzaw hunmang khawm ahina uah, keizawng ka nu’n sil tampi kanu apat ahing nazilsah ahi. Hamding dan, umdiing dan, mipanpi diing dan, silhoi bawl ding daan ahing nahil ahi. Tomkim a gen dingin ka Teacher hoi pen leh ka Driver kanu ahi.

Bible sunga numei kichi simtel in ana um seng lou hinanleh, Thuhun Lui a Pasian tunga aginum nazieh ua mite guoljawlna ana tuntuu Esther leh Ruth muthei in aum hi. Ruth tangthu itheisa uh hita nanlezong, ama hinkhuo apat bang izil thei ei chi tomkim in enlei i dei ahi.

1. Na muolphouna nuasie in: Apeisa na nuahat thei tasih a zong na siemhoi thei sih ahi. Hinanleh namailam a hing tung ding khu nasiem hoi thei ahi. Bawlsietna anatuoh in, thaanghuoi tah a ana um hima nanlechin zong Ruth in Moab taisan a Bethlehem ajot mabangin, Jesu in asisan a ahing tatna khu muongkawm in, silhoi hing tungding chi gingta kawmin namailam nawt in.
2. Milim biehna apat kihei in: Moab, milim bieh nagam apat in Orpah

in anazui sih mananleh, Ruth in tuagam nusie in Naomi azuita hi. Eite zong hagau deilam bawllou a, tahsa deilam ibawl khu imilim biehna ana hikha jel hi. Hasa nanleh, ingaitua banga sil ibawl jelkhu heng in Pasian sanga poimaw jaw a ihun izah khahte apat kihei in Pasian lamzuon vau.

3. Nopsah nate nuasie va ui: Atheilou nagam Bethlehem zon a, Naomi azuidiingvaang, Ruth ding in sil nop ahisih ding hi. Himananleh hangsantah in azui a Pasian thupina amuzawsemta hi. I hinkhuo uah zong nopna isui khajel uhi, hinanleh Jesu nuazui ihina ua ama thuoh banga ginumtah a thuoh dingte ihi uhi. Ama ahingpei hunchieng in kipahtahin lawman isaang ding ua tangtawn nopsahna mun ah ahing pui ding hi.

GIMTHUOHNA KHU LAWCHINNA AHI

- By Solomon Lianminthang, B.D. Student

Lawchinna ichi khu hei a hing kipan ahia? Mi bangchi bangte in lawchinna anga ahia? Tualeh lawchinna ding in bang apoimaw ei? Chia kidong ding hilei Pasian apoimaw hi chiin idawng thei chiet ding ua zong adih hi.

Lawchinna khu Pasian a hing kipan ma ahi, nanleh Pasian in lawchinna ahing piehtheina ding in eima 'gimthuohna' apoimaw masa hi. Nasep umlou in Pasian apat in lawchinna amohmawh in akinga theisih hi (2Thes. 3:10) ah sawltah Paul in "Semlou in nehda heh" ana chi hi. Tua ahitahleh eiten zong gimtah a isep lou a ihollou leh ingawl ngeingei ding ma ahi, i laisengthou ua imu bang un, I Mangpa Jesu ngel zong lei a alenlai a eite hundam ihi theina dinga gimthuohna nasatah hing thuoh ahi, tu in Ama eite adia hing thuoh lou hileh eite hundam in i um sih ding ua tualeh Pasian in Jawlneite kam a i laisengthou tungtawn a anagen leh ana thuchiensa a tapa Jesu Khrist zong ahing lawching sih ding

hi. Lawchinna ding leh loupina ding ma a eite dinga hingthuoh ahi zawbou hi. Tua ahitahleh unau! Eiten zong lawchinna idei uhi, tua lawchinna inga theina ding in bang akiphamaw ei? Chia ngaitua in apoimaw pen thei masat apoimaw hi. Jesu zong eite hundam ding leh eite loupina dinga hing thuoh ahileh tunin eite zong Ama gingu leh Ama nuazui ihina uah Ama sulnua zui a athuohgimnate ithuoh a lawchinna idel apoimaw hi.

Lawchinna dei in Pasian kung ah i thum a, i deidei ingen zel hi, ahin thumna mai nei in nasep neisih lei itupte atangtung ngaingai sih ding a, tualeh lawchinna in zong ahing zui ngaingai sih ding hi. Leitung lawchinna mai kinem leh ente sih va ui aziehpén lei a lawchinna khu

leitung idamsung bou dai ahigiap a vanlam lawchinna ahupkhasih ding hi. Mi tamtah ten lawchinna idei ua, nanleh genthei ituoh ngapsih uhi. Lekha sim hita vei, sum leh pai sui hitavei, ibawl isep phawtpawt a kukaltah a isep lou a i pan peilou leh lawchinna kichi i maban ah ituoh ngaingai sih ding a, tualeh milawching zong akisuoh thei sih ding hi aziehpén Pasián in isep bang zel a aga ahing lawsah zel ahiman in.

Tuni'n nang leh ken ihinkhuo ah bang chi bang gimthuohna ituoh khangai ei? Ahisihleh na lawchinna ding in bang chi bangin hahsatna nathuoh jel ei? Hasatna, gentheina leh gimthuohna chituom tuom te thuohthei ihileh kingaise mai leh lungneu zaw mailou in kipah in thanuom tahin pang semsem zaw va ui, ajiehpén tuabang thuohgimnate ngaituo mawng wawi! Nang thuohgim nakisah nate toh tehkah tham aching sih hi. Gentheina, hasatna chinteng ahing thuoh nua in Kross ah hasa sa-kawm pipi in

kilbeh in aum nalai hi, tuabang hamsatna tawpkhoh athuoh nua a loupitah a kaithaw aum pan ahi. Ama hing peilou a eite adia hing thuohlou hileh tunin eiten hundamna inga theisih ding uhi. A gimthuohna jie ma a hutdam aum ihi, tuachi bangma in eiten zong gimthuohna loungal in lawchinna inga theisih ding china ahimai hi.

Tam leitung ah sepgimna, lungkhamna, lungzinna leh buoina chituomtuom te mihing in ituoh ding mawng ahi, aziehpén tam leitung khu Pasián sapsietna gam ahiziehin (Genesis 3:17). Tualeh Adam kungah, “na ji thu nasan a neh lou ding kachi singga na neh ziehin leitung nang ziehin samsiet ahita, na hinsung gimtah a sem in aga nane ding hi” achi mabang in eite zong gimtah a sem a neding ma ihi uhi.

Silkhat phawtpawt ah sepgimna ahing um chiengin imaban ah lawchinna leh kipahna aum zing hi

chi theizing vaui, tuaziehin gimthuohnate, sepgimnate ituoh hun in zong lungliep lou in maban isawn jel ding a, ituoh bangbang leh itung a hing tung bangbang ithuoh muolsuoh sawm tou zawjel ding uhi. Tua hileh imaban a lawchinna, kipahna loupina imu ngeingei ding uhi. Tuaziehin isep ibawl ah thumkawm leh sem kawm in kukal leh theitawp suo in pang vaui,"Gimthuohna khu lawchinna" ahingal a ...!

MIZORAM PRESBYTERIAN CHURCH
(PRESBYTERIAN CHURCH OF INDIA)
MANIPUR AREA

2018-2019 Financial Year sung a Pasian Gam silpieh a top 10-te

1. Per DZK Top 10 - Hattuum

<i>Rank</i>	<i>Hattuum min</i>	<i>Piehza</i>	<i>Per. DZK</i>
1)	New Lambulane.....	39,60,205	17,919
2)	Langol.....	17,14,265	11,823
3)	Delhi.....	12,34,496	11,646
4)	Bible Hill.....	8,85,761	8,517
5)	Bethany Church.....	15,21,265	8,359
6)	New Moreh.....	12,46,690	8,095
7)	Hill town.....	40,14,734	7,618
8)	Lamka.....	11,85,151	6,664
9)	Pengjang.....	10,48,101	6,634
10)	New Lamka.....	27,04,383	5,983

2. Per DZK Top 10 - Hattuum

<i>Rank</i>	<i>Hattuum min</i>	<i>Piehza</i>	<i>Per. DZK</i>
1)	Delhi.....	12,34,496	11,646
2)	Imphal.....	73,09,860	11,640
3)	D. Phailian.....	65,43,201	5,992
4)	Lamka.....	63,61,213	5,799

5) New Lamka	49,99,142	4,440
6) S. Kawtlian	19,55,916	3,704
7) Sugnu	26,74,684	3,360
8) Kangvai.....	31,85,622	3,353
9) Sharonphai	8,43,201	2,830
10) Jeribam	2,06,532	2,550

3. Per DZK Top 10 - Hattuum

<i>Rank</i>	<i>Hattuum min.....</i>	<i>Piehza</i>	<i>Per. DZK</i>
1)	Hill town.....	40,14,734	7,618
2)	New Lambulane.....	39,60,205	17,919
3)	Jubilee Church	35,67,635	5,463
4)	New Lamka	27,04,383	5,983
5)	Gangpimual	19,21,993	3,593
6)	Langgol	17,14,265	11,823
7)	Bethany Church.....	15,21,265	8,359
8)	New Moreh	12,46,690	8,095
9)	Dongjang.....	12,34,528	3,995
10)	Delhi	12,34,496	11,646

4. Per DZK Top 10 - Hattuum

<i>Rank</i>	<i>Hattuum min.....</i>	<i>Piehza</i>	<i>Per. DZK</i>
1)	Imphal.....	73,09,860	11,640
2)	D Phailian.....	65,43,201	5,992
3)	Lamka	63,61,213	5,799
4)	New Lamka	49,99,142	4,440
5)	Kangvai.....	31,85,622	3,353
6)	Mata	28,18,100	2,269
7)	Sugnu	26,74,684	3,360
8)	S. Kawtlian	19,55,916	3,704
9)	Delhi	12,34,496	11,646
10)	Sharonphai	8,43,201	2,830

.....

KUMPI SOLOMON TUNGTAWN A ZIL TUOHTÉ

- By Upa Langkhanmang @ T. Mangnou
Presbyterian Church of India, Tuining

Pu Editor leh simtute Pa Pasion itna toh chibai kang buh hi.

Kumpi Solomon khu Bible a i mu dan in Pasion pahtat law mi leh ama tobang a pil, zaum, hausa leh thupi Leeng dang na um kha nailou leh anua chienga zong um kia talou ding chi khophiel a minthang Leengpa tanchin phabep tahlang malam in ahoi lou na phabep zong i gen ding ua; tuasung ah Khristian lamkaina ah zong etton thei ding um bangin ngaituo lei ahoi ding hi.

Ama khu Leeng David in Naamah d/o Jubal kichi, Ammon numei nu toh ahin, Israel Leeng athumna pa ahia, United Kingdom of Israel hun sung BC c... 990 in Jerusalem ah apieng hi. Atahsa kum 20 achin in Leeng akai hi. Israel Lenggam sungah BC c.970-931 (kum 39) sung vai ahawm a; BC c.931 in Jerusalem ah shi in, khum mun ma ah akivui ta hi. Apien a pat a ashi tan hisap in kum 59 sung adam hi. Bibliogphy: Peter Paul Reuben 1577-1640).

Ama'n Ji pi 700 leh Mei 300 anei a, tuateng lah ah aji masa pen khu Pharoah tanu

Naamah 'Lit. Hum' chinna ahia, Egypt mi ahi. Tualeh, aji te mi 1,000 apha a, mihing sangkhat min gielna ding space aum lou ziehin, aji te min nuasie ding a; agam leh anam kai a genin ajite khu Egypt mi, (ageia ama lim toh tuongkhawm pen) lamkai in, Moab mi, Ammon mi, Edom mi, Sidon leh Hit mi numeite ahi ua, leitung gam zousie huop sieng chi thei phiela um ahi hi.

Pasion in Leeng ang kai tahin, Solomon manglama kihilin, na dei taphot ngen in ana chi hi (2Chr. 1:7f). Tualeh gintat bang lou tahin Solomon

in Pasian kungah na mi hija zoujaite ka etkol theina dingin ‘Pilna’ (Wisdom) leh ‘Thei theina’ (Knowledge) ei pie’n ana chi leh Pasian in ‘nangma phattuum na ding ngenlou a kei leh ka mipite a dinga na nget jiehin, Pilna leh theina ban ah hausatna leh za umna pieh nahi ding hi’ ana chi hi (2Chr. 1:12).

Apil na, asilbawltheina, ahauna, zatat huoi tah ahina tanchinte genseng ding ahilou ziehin i taikan ding uhi. Ethiopia ham a “Makeda” chi leh Arabic ham a ‘Bilqis’ kichi, Sheba Leengnu’n mipil hon leh silpieh tam tah toh a va ve laiin, akung ah “Ka bil a na thupina tanchin ka na zahte tahsan huoi kasa lou alaiin, ka mit ngei a kang mu chiengleh, na tanchin kazahte khu akim khat zong a genkhe zou sih uhi” ana chi hiel pa ahi. Thu hasa tamtah adohte uzong, bailam tahin dawnna ana pie hi.

Solomonkhu a neu pien a kipat a alawm guol hoite khu mi thupi tahtah Leeng leh Lal innsung a khang ngen ahiban

uah ama ngei zong Leeng innsung a hing khangkhie mi ahi ziehin genthei ana thuoh kha sih a, liengvai hinkhuo zong atheipha sih a, tuaziehin migentheite dinmun theina lamah ana tasam mama hi. Tuate banah Israel nam 12-te sung ah Commander-te um in Israel mipi’n hapta khat sungin Lengpa nna 2vei asem ua, thaman mu zong ahisih uhi. Lam tuomtuom ah mipite’n Leengpa zieha innsung khosah hasatna tampi atuoh ua, tuami apat in nam 12-te sungah lungkimlouna leh helna lungsim ang pawt pan a; atawpna ah Leenggam kikhenna hun ang tunlaw ta hi.

Tam thu etin eite zong silhoi bawl sam in, mite dam sih leh, i tup leh i silbawl leh i thugen hoi mama napi, mipi lungtunna chienglou khu ai vei ahia, khum bang ai veisah ding Mangpa mite lamkaina lam tuomtuom ah aum thei hi. Tuaziehin i silbawl leh i hindan khu mipite leh i seppite kithukim diemna ahisih leh hoi leh khantouna suoh thei ngai sih ding a, ageem ding hi.

Amavang Leengpa khu koiman
a niekal in ana dou zou tuon
sih ua, lungsim sungah natna,
aiveina khu kikhenzahna
asuo thei jel bangin mipi aw
khu Pasian aw banga ngaithei
Hattuum leh khotaang lamkai
ihi thei ding apoimaw mama
hi. Gensiem a zutmam thaw
mai pen in damna atun zou sih
hi chi teng Solomon hinkhuo

apat a i zil nuompen khu ahi.

Ngaituona, theina, zilna etc
bukim lou kawm taha, ngaidan
i gen na-ah aval leh achinglou
leh lungkhoi thei um ngei
dingin ingaitua a, tuate Mangpa
min in kitheisiem tuo chiet in
kilamlah tuo zel chiet dingin
i kingen a, Mangpa'n simtu a
dingin guol eijawl piehta hen.

AGAPE IITNA BANG AHIEI?

-By Samuel Khamsuankhai, M.Th.

Eiham in iitna ichi chieng in agenbe ding dan atawm
mama a, sap ham in zong Love chi khel agen ding dan tom aum
dieh sih hi. Ahn Greek ham in itna khu kammal tuomtuom
ana um a, tuate lah a 4 khu zah tangpi in ana um hi. Tuateng
hoitah gen chieng lei Lai siengthou in iitna agen khu bang ahiei
chi kitheichieng dingin ka gingta hi. Tuni a iitna chi 4 igen utte
ahileh, Eros, Storge, Philia leh Agape ahia, tamteng Lai siengthou
ah eiham in iitna chia ana kigiel mai dan ahi, sap ten Love chia
agiel zieh un ei a ten zong itna ana kichi mai hi. Khatkhat in en
suh vai itna chi 4 te.

Eros: Amasa pen in Eros iitna
khu bang ahiei chi en masa va
ui. Eros itna pen ahileh, Numei
leh Pasal kal a itna in Greek
ten ana khen ua, tampen tahsa

utna suh buching na itna ana
higiap dan hi. Tam Eros itna
pen ahileh Nupa kal a asie
ahisih a, hinanleh Nungah
leh tangval ki itna ah, aki iit

hina chia tahsa utna ahing suh buching chieng un Eros iitna ana sua jel hi. Tuapen Lai-sien-thou in ana zada mama a, sapten fornication achi ua, tam pen Pasion hing iit dan ana hilai zang lou hi. Nupa kal a angkawm na zong hi tam Eros iitna zieh ana um zel ana hidan hi.

Storge: Anina ah Storge iitna khu bangchi bang iitna ahiei ichi-chieng leh Nu leh Pa leh Tate kikal a itna khu ana hitangpi hi. Tampen innsung mi ki itna u leh nau kal a ki itna, loi leh pai kal a ki iitna ichi te zong ahia, tamte pen Greek te'n Storge itna ana chi chit chiet sese uhi. Tammi Storge iitna zieh in i sanggam, ilaizomte panpi utna inei a abeidong hun a chimaw hun un zong kithuopi na lungtang inei thei hi. Pasion hing itna pen Storge itna mai in buki-mlou hi.

Philio: Athumna ding a Philio itna bang ahiei chi enkia vai. Philio ichi hi itna chikhat ahia, Philosophy ichi zong Philia apat hing kiladoh, a umzie pen ahileh Pilna ngainatna china

ana hia, tuabang ah tulai hun khotaang a izah tangpi pen Philanthropy hing kipatna kammal zong ahia, Aum zie ahileh mihinpi te it china ana hi hi. Innsung mi mai hilou a iveng ipam, khotaang leh khovel a mi zousie iit a nasem china ana hidan hi. Tampen zong Pasion hing iitna ana hinailou hi. Achileh Pasion hing itna khu bang ata diei?

Agape: Agape itna ichi khu iza mun mama ding ua, ahin a umzieh tah bang ahiei chi a thei vang mama ding in ka gingta a, Pasion iitna khu Agape itna ahi chi ithei chiet ua, ahinlah atunglam a itna chi tuomtuom te i etchieng in khovel a itna umding dan itheiteng kammal ding umsiengta hi. Innsung mi ki itna kammal lah a um, Storge kichi, Numei pasal ki itna lah um Eros kichi, innveng te ki iitna ahilouleh mihing khat leh khat ki ittuana lah a um, Philio kichi, achi leh Agape itna bang ata diei?

John 3:16, "Aziehpen Pasion in khovel a iit sengseng a, tuachi'n a tapa tangkhat neisun ahing

pie hi”, hitan ah Storge itna leh Philio itna imu a, hinanleh achang pen hitan ah ana beilou hi. Aban sim suoh lei, “Koipou Ama gingta in amanthai lou a kumtawn hinna anei zawna dingin”. Tami hive aw Agape itna kichi, Koipou ama gingta in amanthailou a kumtawn hinna anei zawh na dingin chi khu.

Agape itna chilou itna dang te, Eros, Philia, Storge ichi te hi leitung damsung tan dai itna ahia, tuate ziehin mihing khat leh khat te iki it a iki panpi uta a, sil piehte ikipetuo ua, hinanleh Agape itna kichi khu leitung ihin sung mai hilou a tahsa a shinua chieng tanpha ading lunggel nei a itna kumtawn itna, tee theilou itna khu ahi.

Laisiengthou a Jesu Khrist in nang leh nang na ki it bang in na innveng te it in, na gal te it in achi te khu Agape itna ngen ana hi hi. Nang leh

nang na ki it bang in achi khu umzieh ahileh, nang man hundamna na dei a na sui bang in, na innvengte zong it in a hutdamna tangthupha phuonzah inlen, tangtawn hinna anga theina ding un itna nei in achi ana hilaizang ve aw unau. Tunin koi in a galte it thei diei? Na gal te Philio itna toh na it a, Storge itna toh na it a na va zawt leh hing na that gam talou ding umaw. Tuami hizaw lou in Agape itna toh it inlen, thumpi in Jesu Khrist in ashi ding kuon ngelngel in zong ama that tute ading ngaidam ngetsah hive aw unau. Tunin ngaitua tha lei tam itna pen athupi dan maimai lou hi. Philio itna ahuntawh sih a, Storge itna a hun toh sih a, Khristian ihi a Jesu Khrist nuazuite ihileh Agape itna inei ding Jesu Khrist in hing dei hi. Tuaziehin Hagau mangthai te adingin hundamna sui pieh in Tuakhu Agape itna ahi.

ZPWF COLUMN

3rd March to 22nd April, 2019 tan a Tunnu Limbel panpina pete:

1. Rev. Zamlianpau, Lailam Veng	Rs.	1,000
2. Pa Kamkhogin, Central Church	Rs.	300
3. Nu Nousuanching, Central Church	Rs.	500
4. Nh. Manneikim, Lailam Veng	Rs.	3,500
5. PWF P. Salem Anntang tang	Rs.	1,170
6. PWF Emmanuel Khopi	Rs.	530
7. Pi Niangpi w/o Hausuanthang MDC,	Rs.	2,000
8. Tv. Khupmalsawm, Tangpijol	Rs.	1,000
9. Pa H. Kapneithang & Family, Central Church	Rs.	2,600
10. Upa Mangchinkap & Family, Tonjang	Rs.	1,500
11. Mrs. Flora Hatnu, UK	Rs.	30,000
12. Pa Thangzamang, Central Church	Rs.	1,000
13. Nu Mannianching, Lailam Veng	Rs.	1,000
14. PWF Saiboh Anntang	Kg.	70
15. PWF New Zoveng Anntang	Kg.	80
16. Presbyterian Church of India, Muollum (ZPCS):		
1. Rev. Dr. Hangpi Manlun	Rs.	70
2. Upa Zamthang	Rs.	100
3. Pa Hangthang	Rs.	20
4. Pa Suanpau	Rs.	100
5. Kam en thang	Rs.	20
6. Pa Min Zou	Rs.	30
7. Pa Suonlien	Rs.	20
8. Pa Elbee Zou	Rs.	30
9. Pa Khaihau	Rs.	40
10. Pa Thangkhankhup	Rs.	20

11. Pi Dimkhannel	Rs.	20
12. Nu Vungsuanching	Rs.	30
13. Nu Manneilam	Rs.	20
14. Nu Chinghat	Rs.	80
15. Nu Suonniang	Rs.	140
16. Nu Ngaiching	Rs.	20
17. Nu Dimhoiching	Rs.	30
18. Nu Zouching	Rs.	70
19. Nu Kimneiching	Rs.	20
20. Nu Nianghauching	Rs.	30
21. Pi Vungzanem	Rs.	20
22. Nu Muonchiin	Rs.	10
23. Nu Niangngaiching	Rs.	50
24. Nu Nuomkhanngai	Rs.	20
25. Nu Chiinlamching	Rs.	20
26. Nu Niangsien	Rs.	40
27. Nu Paungai	Rs.	20
28. Nu Vunghaulian	Rs.	100
29. Tv. Dodong	Rs.	20

Petu zousie Mangpa'n hing guolzawl taken!

Adih lou kha te Office a suhdih theizing ahi.

.....

TAM ANEI A LAIBUTE OFFICE AH LEI THEI ZING AHI:

<i>Laibu min</i>		<i>Aman</i>
> Khristian Labupi	₹	100
> Khristian Latha bu	₹	100
> PCI Constitution	₹	50
> Hattuom Khuttawibu	₹	30
> Pastoralia	₹	50

PATRON MEMBER-TE

1. Upa Gouzamang	2. Pu Hav. Khamchinkhup	3. Pu Khamzalam	4. Pu Chinzasuan
5. (L) Upa Liansuanpau	6. Pu Khamchinthang	7. Pu S.Dalthang	8. Upa Kapkhanthang
9. Upa Langginmang	10. Upa S. Nangkhanlal	11. Pu S. Lamkhotang	12. Upa Dr. M. Lachinkhai
13. Upa Khamchinjam	14. (L) Upa D.K.Manlun	15. Upa Suankhanmang	16. (L) Upa Khupgou
17. Upa Chinkham	18. Upa Ngulchinkham	19. (L) Rev. V. Vungzalian	20. Rev. Retd. Kamkhosoi
21. Rev. Retd. Tualzachin	22. Rev. (Rtd.) H. Nengzatun	23. Rev. Awnkhanthup	24. Rev. Dr. Hangpi Manlun Zou
25. (L) Pu Tuanzapau	26. (L) Rev. Ginchinjam	27. (L) Rev. Khamzasuan	28. Upa T. Lamkothawng
29. Upa Khaichinmang	30. Rev. Stephen Chinzathang	31. Pu Khupkhanmang	32. Pu Khaidohlian
33. (L) Hav. Khamzahang	34. Pi Vungzanuam	35. Pu T. Gouzadou	36. Upa Liensuonkap
37. Pi Zelkhochiin	38. Pi Hatkhanvung	39. (L) Pi Ngaihoiching	40. Pi Mankhannieng
41. Pu Goukhanmang	42. Pi Chingzalam	43. Pu S. Thianzakhai	44. Pi Kamkhanching
45. Pu Haukhanpau	46. Pu Tuallianmang	47. (L) Pu Dongkap	48. (L) Pi Chingkhanmang
49. Pi Donkhonian	50. Upa Henzakhup	51. (L) Pu Saichinpau	52. Pu Goumang
53. (L) Upa Khamkhanhang	54. Shie Laangkhanlal	55. Pu Khamkhanlun	56. Upa L. Tualkhanpau
57. Upa Jamsianmang	58. Upa Ginzadong	59. Pu Kaizathang	60. Pi Goizanuom
61. Pi Thangneivah	62. Pu Khamzathang	63. Pi Donchin	64. Upa Liankhanmang
65. Pu Hauchinlun	66. Pu T. S. Lal	67. Pi Goichiin	68. Pu T. Khupchinthang
69. Upa T. Kaizalam	70. Pu Paul Henkholal	71. (L) Pu Soikham	72. Rev. P.C. Manga
73. Rev. Khamchinkhai	74. Rev. Jamlianpau	75. Rev. Chinzapau	76. Rev. Retd. Kamkhosam
77. Upa (L) Chinpu	78. Pu Zamkhanthang	79. Pu Chinglen	80. Miss Chinhaunieng
81. Upa P. K. Soia	82. Pu Goukhai	83. Pi Niangkhanmang	84. Evan. Retd. G.L. Joshya
85. Pi S. Chingkhanmang	86. (L) Pu Vumchinkhup	87. Upa Khaihenthang	88. Upa T. C. Pau
89. Upa Nengchinkap	90. (L) Upa Jamkhongam	91. Upa HT Manga	92. Mrs. Vahkholhing
93. Pu Hauliankap	94. Pi Chinnu	95. (L) Upa Ngulzakhai	96. (L) Upa T. Gougin
97. Pu Ginsuanhau	98. Upa (L) Langminthang	99. (L) Rev. David K.Samte	100. Upa T.S.K. Samte
101. Upa S.K. Khama	102. Pu Jamkhopao	103. Pu Thatthang Taithul	104. Pu Kamkhanpau
105. Bhim Prasad Ghatani	106. Rev. M. Kapsuanthang	107. Nu Chingneikim	108. Rev. Khupkhanpau
109. Pi Mannuamching	110. Rev. Kaimuanlal	111. Upa Nengkhanlian	112. Nh. Deborah Zou
113. Pu T. Kuppa	114. Rev. (L) Mangsuanthang	115. (L) Pu Lamchinhau	116. Upa Pauchinlel
117. Nu Kimneihoi	118. Upa Kamgenpau	119. Nh. Niangsuannuam	120. Nu Ngaikhanvung
121. Pu P. Sanjiv Zou	122. Upa M. Kaichinkham	123. Upa T. Sianchinpau	124. Upa Sianzahau
125. Pu L. Thenkhosoi	126. Pu Kamsuanhang	127. Upa Th. Kaikholam	128. Upa Lunchinthang
129. Pu P. Tongthang Zou	130. H. Nehzamang	131. Pu Thangsuankhup	132. Upa M. Kamzadou
133. Pu Jamkholian Munluo	134. Pu Sianzakhai	135. Upa Thangginsuan	136. Pu Kapminlian

LIFE MEMBER-TE

01. Upa (L) T. Khupkhenpau	02. (L) Pu M. Ginzahau	03. (L) Pu Seizapau
04. Pu L.C. Pautungnung	05. (L) Pi Khamkhanneiang	06. Pi Ngainuom
07. Pu Chinsuanthang	08. Upa Shanti Kumar	09. Pu Kamkhohau
10. (L) Pu Khamkhohau	11. Upa Khamzathang	12. Upa Chinkhanthang
13. Pu Tongzathang	14. Pi Chiinneilam	15. Upa Kulthang
16. H/Sm. Upa Kaichinpau	17. Pi Niangzalam	18. Upa P. Doukholun

Undelivered

Please return to:

The Editor

KHRIPTIAN TANGKOU

ZPCS Office, Zomi Colony

Churachandpur - 795 128

P.O. Box - 48, Manipur, India

Synod Office Telephone No. (03874) 235105

Website: zousynod.org | email: info@zousynod.org

zpcs@rediffmail.com/zousynod05@gmail.com

7a,
